

Na osnovu člana 71. i člana 125. Statuta Općine Vogošća ("Službene novine Kantona Sarajevo", broj: 27/14 - Prečišćeni tekst i broj: 14/15), općinski Načelnik donosi:

**P R A V I L N I K**  
**O RASPODJELI NOVČANIH SREDSTAVA ZA DODJELU**  
**JEDNOKRATNE NOVČANE POMOĆI PENZIONERIMA U STANJU SOCIJALNE POTREBE**

**Član 1.**

Ovim Pravilnikom utvrđuju se kriteriji i način dodjele jednokratne novčane pomoći penzionerima u stanju socijalne potrebe, čije je prebivalište/boravište na području općine Vogošća najmanje godinu dana prije podnošenja zahtjeva i imaju boravište po osnovu statusa raseljenih lica i izbjeglica u Općini Vogošća.

**Član 2.**

Cilj dodjele jednokratne novčane pomoći u smislu ovog pravilnika predstavlja kontinuiranu brigu o licima treće životne dobi, a koja se nalaze u stanju socijalne potrebe, kako bi zadovoljili minimum egzistencije, te otklonili posljedice socijalne isključenosti.

**Član 3.**

Finansijska sredstva utvrđena na ekonomskom kodu 614239 - grant pomoć penzionerima sa najnižom penzijom, raspoređuje općinski Načelnik zaključkom na prijedlog Službe za boračko-invalidsku i socijalnu zaštitu Općine Vogošća (u daljem tekstu Služba) u skladu sa utvrđenim kriterijima, a na osnovu podnesenih zahtjeva putem protokola Općine Vogošća.

**Član 4.**

Socijalnom potrebom smatra se trajno ili privremeno stanje u kome se nalazi građanin ili porodica, prouzrokovano ratnim događajima, elementarnim nesrećama, općom ekonomskom krizom, psihofizičkim stanjem pojedinaca ili drugih razloga, koje se ne mogu otkloniti bez pomoći drugog lica.

**Član 5.**

Penzioneri u stanju socijalne potrebe mogu ostvariti jednokratnu novčanu pomoć pod sljedećim uslovima:

- a) Penzioneri koji ostvaruju minimalnu penziju kao jedino primanje domaćinstva, a izdržavaju dvoje ili više članova domaćinstva, a boluju od teške ili hronične bolesti za koju je potrebna stalna kupovina lijekova;
- b) Penzioneri koji ostvaruju minimalnu penziju, a korisnici su prava na topli obrok putem Javne kuhinje ili prava na tuđu njegu i pomoć putem kantonalne Službe socijalne zaštite;
- c) Penzioneri koji su putem Službe za boračko-invalidsku i socijalnu zaštitu Općine Vogošća ili putem Službe socijalne zaštite Općine Vogošća evidentirani kao lica u stanju socijalne potrebe ili je Služba na osnovu podnesenog zahtjeva utvrdila da ispunjavaju uvjete ovog Pravilnika;

**Član 6.**

Penzioneri koji se nalaze u stanju socijalne potrebe mogu ostvariti jednokratnu novčanu pomoć pod sljedećim dodatnim uslovima:

- a) Da niko od članova zajedničkog domaćinstva nije vlasnik ili posjednik motornog vozila;
- b) Da niko od članova zajedničkog domaćinstva nije vlasnik preduzeća ili samostalne radnje i da nema registrovanu dopunsku djelatnost.

**Član 7.**

Jednokratna novčana pomoć će se dodjeljivati u visini do 100,00 (stotinu) KM u skladu sa Budžetom objezbjeđenim finansijskim sredstvima za tekuću godinu.

### Član 8.

- 1) Zahtjev za dodjelu novčane pomoći po ovom Pravilniku podnosi se Službi za boračko-invalidsku i socijalnu zaštitu putem Centra za pružanje usluga građanima Općine Vogošća na propisanom obrascu.
- 2) Podnesene zahtjeve po potrebi razmatra Komisija za rješavanje zahtjeva za priznavanje prava na jednokratne novčane pomoći penzionerima (u daljem tekstu: Komisija), a koju imenuje Općinski načelnik.
- 3) Komisija se sastoji od predsjednika i dva člana, od kojih je Predsjednik komisije socijalni radnik nadležne Službe, a članovi pravnik nadležne Službe i socijalni radnik OJ Dom zdravlja Vogošća.

### Član 9.

Lica koja ostvare pravo na jednokratnu novčanu pomoć penzionerima u stanju socijalne potrebe u skladu sa odredbama ovog Pravilnika ne mogu ostvariti pravo na jednokratnu novčanu pomoć utvrđenu Odlukom, odnosno Pravilnikom o odobravanju i isplati jednokratne novčane pomoći licima u stanju socijalne potrebe.

### Član 10.

Podneseni zahtjev važi samo za budžetsku godinu u kojoj je zahtjev podniet.

### Član 11.

Ovaj pravilnik stupa na snagu narednog dana od dana objavljivanja na oglasnoj ploči Općine Vogošća, a primjenjivati će se od 01.01.2018.godine.

Broj: 09/1-35-340/18

Datum: 09.02.2018. godine

OPĆINSKI NAČELNIK



Edin Smajić